



Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's Affairs

PROGRAM MJERA ZA

SUFINANSIRANJE ODRŽAVANJA POSTOJEĆE ZAPOSLENOSTI U BORAČKIM ZADRUGAMA SA PODRUČJA KANTONA SARAJEVO ZA 2023. GODINU

Sarajevo, maj 2023. godine



**Program mjera za sufinansiranje
održavanja postojeće zaposlenosti u boračkim zadrugama sa područja Kantona Sarajevo za
2023. godinu**

1. UVOD

U poslijeratnom periodu Bosna i Hercegovina suočena je sa problemom nezaposlenosti stanovništva, što posebno utiče na otežano zapošljavanje svih kategorija stanovništva, a naročito nezaposlenih boraca-branitelja i ukupno pripadnika boračke populacije i članova njihovih porodica, koji pripadaju grupi nezaposlenih kojima je po statusu u velikoj mjeri otežan pristup tržištu rada. Riječ je o najranjivijim, teško zapošljivim licima u koje ubrajamo najprije demobilisane borce-branitelje, porodice šehida, poginulih, umrlih i nestalih branilaca, ratne vojne invalide, dragovoljce i organizatore otpora, veterane mirnodopske vojne invalide, ratne vojne zarobljenike i dobitnike najvećih ratnih priznanja i odlikovanja, kao i članove njihovih porodica (u daljnjem tekstu: braniteljska populacija). U stanju u kojem se nalazi naša država, a tim i Kantonu Sarajevo, u poslijeratnom tranzicijskom periodu, postojeća privreda nije u tolikoj mjeri razvijena da bi pružila realan osnov za upošljavanje navedene populacije.

Uzimajući u obzir prethodno navedeno, Ministarstvo za boračka pitanja Kantona Sarajevo je realizovalo (u daljnjem tekstu: Ministarstvo) Programe mjera za poticaj zapošljavanja pripadnika braniteljske populacije od 2017. godine i to: za 2017/2018., 2018/2019., 2019/2020, 2020/2021, 2021/2022 te 2022/2023. godinu pri čemu je ostvareno zaposlenje određenog broja pripadnika braniteljske populacije u navedenom periodu, o čemu je Vlada Kantona Sarajevo redovno izvještavana.

Budžetom Kantona Sarajevo, razdjel Ministarstvo za boračka pitanja za 2023. godinu planirana su sredstva za podsticaj zapošljavanja branilaca i članova njihovih porodica. Također, Programom rada Ministarstva za 2023. godinu planirano je provođenje aktivnosti i mjera zapošljavanja braniteljske populacije putem Stručnog tima za izradu Programa zapošljavanja braniteljske populacije u Kantonu Sarajevo i afirmaciju boračkog zadrugarstva.

Usljed pogoršanog stanja u privredi na globalnom nivou težnje svih faktora utjecaja na privredna kretanja ogledaju se prije svega na potpori privredi u situaciji galopirajuće inflacije, te porasta kamatnih stopa na kredite za rast i razvoj privrede. Kako su boračke zadruge u prethodnim godinama dostigle jedan visok nivo organizovanosti i funkcionalnosti, u trenutnim okolnostima najbitnije im je da sačuvaju prethodno kreirana radna mjesta.

U vrijeme sačinjavanja ovog programa u BiH još uvijek nije došlo do povećanja kamatnih stopa, ali je taj trend očekivan posmatrajući zemlje Europske unije i zemlje neposrednog okruženja. Porast cijena u svim sektorima privrede i segmentima svakodnevnog života utiče na neizvjesnost pozitivnog poslovanja, počev od nabavnih cijena sirovina i osnovnih sredstava za rad, preko nesrazmjernog rasta visine najniže plaće, do slabljenja platežne moći kupca.

U tom smislu i Ministarstvo je sačinilo Program mjera sufinansiranja održavanja postojeće zaposlenosti u boračkim zadrugama sa područja Kantona Sarajevo za 2023. godinu (u daljnjem tekstu: Program).

Programom zapošljavanja braniteljske populacije u prethodnih pet godina, između ostalog bila je obuhvaćena Mjera podrške zadrugama koje okupljaju braniteljsku populaciju putem sufinansiranja poslovnih projekata od strane Ministarstva za boračka pitanja, koji će za rezultat imati novo



upošljavanje braniteljske populacije a realizacijom iste zadruge su ostvarile zapošljavanje određenog broja pripadnika braniteljske populacije prijavljenih na evidenciju nezaposlenih.

Također u prethodnom periodu ovo Ministarstvo je imalo za cilj da ojača zadružni sistem poslovanja pripadnika braniteljske populacije.

Naime, zadružni sistem organizovanja i privređivanja je važan segment socijalne ekonomije svake zemlje, a posebno onih zemalja gdje dominira sitna robna proizvodnja i njeni nosioci, sitni robni proizvođači. U uslovima tržišne utakmice, oni nemaju dugoročnu perspektivu u samostalnom nastupu na tržištu, te njihovo udruživanje u zadruge predstavlja neminovnost za njihovu održivost.

Zadruga je specifičan model interesnog udruživanja njenih članova i nije sama sebi cilj, već sredstvo za postizanje ciljeva njenih članova-zadrugara, koji se udružuju „sebe radi“ kako bi ostvarili što bolje rezultate. U zadrugama skupština, koju čine svi članovi, ima odlučujuću riječ u upravljanju kapitalom i vođenju poslovne politike, s tim da u odlučivanju svaki član zadruge ima jednako pravo glasa, bez obzira na visinu zadružnog uloga, a što je u skladu sa demokratskim načelima - jedan zadrukar-jedan glas, čime se isključuje svaki oblik eksploatacije.

Zadatak zadruge je da za svoje članove obezbjedi lakši pristup tržištu, jeftinije cijene za ulazne sirovine, osnovnu marketinšku podršku, pristup novim izvorima finansiranja, obavlja koordinacijsku ulogu sa prerađivačkim sektorom. Uz minimalna ulaganja zadruge omogućuju legalno poslovanje i naplatu proizvedenih roba ili usluga većeg broja fizičkih ili pravnih lica. Preko zadruge jača pregovaračka moć. Organizovani u zadruge, zadrugari mogu diktirati cijene prerađivačkom sektoru, dobiti veće rabate na nabavku repromaterijala i ostvariti razne druge pogodnosti.

Program mjera održavanja postojeće zaposlenosti u boračkim zadrugama sa područja Kantona Sarajevo za 2023. godinu realizuje se u skladu sa odredbama Uredbe o uvjetima i postupku za dodjelu potpore male vrijednosti – **de minimis potpora**.

2. OPĆI I POSEBNI CILJEVI PROGRAMA

Opći cilj Programa je shodno mogućnostima dati doprinos privredi na prevazilaženju novonastale situacije otežanog funkcionisanja usljed povećane inflacije domaće valute, porasta kamatnih stopa na kredite za rast i razvoj privrede koji su doveli do povećanja cijena proizvoda i usluga na tržištu.

Poseban cilj Programa je održavanje postojeće zaposlenosti braniteljske populacije u zadružnom sektoru, pružanje i drugih vrsta pomoći boračkom zadrugarstvu, kako bi se uz druge aktivne mjere Vlade doprinijelo sanaciji posljedica trenutnog stanja u privredi na području Kantona Sarajevo.

U Programu pravo učešća imaju pripadnici Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova, a koji su učestvovali u odbrani suvereniteta i cjelovitosti Bosne i Hercegovine, od 18.09.1991. do 23.12.1996. godine, odnosno do prestanka neposredne ratne opasnosti i koji su demobilizirani rješenjem nadležnog vojnog organa, kao lica koje je učestvovalo u pripremi za odbranu i u odbrani Bosne i Hercegovine i članovi njihovih porodica. Dokaz o pripadnosti gore navedenoj kategoriji, dokazuje se potvrdom, rješenjem ili uvjerenjem nadležnog organa.



3. SADRŽAJ PROGRAMA – POJEDINAČNE PODSTICAJNE MJERE

a) Osnovne mjere:

1. Mjera sufinansiranja održavanja postojeće zaposlenosti u boračkim zadrugama sa područja Kantona Sarajevo

Mjera sufinansiranja održavanja postojeće zaposlenosti u boračkim zadrugama sa području Kantona Sarajevo (u daljnjem tekstu: Mjera 1.), predstavlja pravo sudjelovanja u raspodjeli sredstava koju mogu ostvariti zadruge sa područja Kantona Sarajevo, a koje okupljaju braniteljsku populaciju (uključujući i članove njihove uže porodice) u svrhu održavanja postojeće zaposlenosti u boračkim zadrugama sa području Kantona Sarajevo.

Kako bi realizovalo ovu Mjeru Ministarstvo raspisuje Javni poziv, na koji imaju pravo aplicirati boračke zadruge i zadruge koje u svom sastavu okupljaju najmanje 70% zadrugara iz boračke populacije, a u cilju održavanja postojeće zaposlenosti u boračkim zadrugama sa području Kantona Sarajevo.

Za realizaciju ove mjere biće raspisan Javni poziv, a odobravanje sredstava vršiti će se u skladu sa općim i posebnim kriterijima.

Opći kriterij za odobrenje sredstava za sufinansiranje boračkih zadruga su:

- a. da je boračka zadruga registrirana u Kantonu Sarajevo.
- b. da boračka zadruga nije otpuštale radnike u prethodna 3 (tri) mjeseca.

Pravo učešća u ovoj mjeri **ne mogu ostvariti:**

- Zadruge koje redovno ne izmiruju obaveze uplate javnih prihoda, osim u slučaju kada zadruga ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je zadruga dužna dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da zadruga vrši uplate po potpisanom ugovoru.
- Zadruge koje su koristile sredstva Federalnog zavoda za zapošljavanje, Službe za zapošljavanje Kantona Sarajevo, u Ministarstvu za boračka pitanja Kantona Sarajevo i u ostalim ministarstvima u Vladi Kantona Sarajevo u svrhu održavanja postojeće zaposlenosti, a nisu ispoštovali obaveze u skladu sa zaključenim ugovorima,
- Zadruge koje su iskoristile maksimalnu vrijednosti pomoći od strane institucija u skladu sa pozitivnim propisima iz oblasti dodjele državne pomoći.
- Zadruge koje su koristile novčanu pozajmicu za otvaranje radnih mjesta putem ovog Ministarstva u skladu sa Zakonom o dopunskim pravima boraca - branitelja Bosne i Hercegovine, a i dalje imaju obaveze po članu 80. i 81. ovog Zakona i po Uredbi o finansiranju programa za otvaranje radnih mjesta za braniocce, ratne vojne invalide, porodice šehida i porodice poginulih, umrlih i nestalih branioca („Službene novine Kantona Sarajevo”, br. 31/06, 20/09 i 16/14).

Boračke zadruge koje žele učestvovati u ovoj mjeri, a koje ispunjavaju prethodno navedene opće kriterije dužne su podnijeti aplikaciju sa propisanom dokumentacijom u roku predviđenom u Javnom pozivu. Aplikantima kojima se odobri učešće u raspodjeli sredstava Ministarstvo će na ime sufinansiranja isplate na mjesečnom nivou plaća i obaveza po osnovu zakonom propisanih poreza i



doprinosa za period od 6 (šest) mjeseci. *doznačiti jednokratno sredstva u iznosu do 3.300,00 KM po jednom postojećem zaposlenom radniku za zadruge koje ne broje više od 10 (deset) zaposlenih radnika. Za zadruge koje broje više od 10 (deset) radnika za koje su iste aplicirale, odnosno za radnike koji su u zadruge zaposleni prije objave Javnog poziva, Ministarstvo će na ime sufinansiranja isplate na mjesečnom nivou plaća i obaveza po osnovu zakonom propisanih poreza i doprinosa po jednom zaposlenom za period od 6 (šest) mjeseci doznačiti iznos sredstava koji će se utvrditi srazmjerno broju zaposlenih i raspoloživih sredstava.* Svi drugi eventualni troškovi padaju na teret poslodavca.

Sredstva će se doznačiti na pogodan način, što će se preciznije definisati ugovorom zaključenim između Ministarstva i korisnika sredstava.

Aplikanti koji budu korisnici sredstava za održavanje postojeće zaposlenosti prije 01.05.2023. godine, dužni su u radnom odnosu zadržati postojeći broj radnika koji su imali u momentu podnošenja zahtjeva, osim u opravdanim slučajevima prekida radnog odnosa (odlazaka u penziju postojećih radnika i prekida radnog odnosa iz opravdanih razloga), a do okončanja ugovora o sufinansiranju, pri čemu je korisnik sredstava obavezan u što kraćem roku obavijestiti Ministarstvo i dostaviti pismene dokaze o navedenom. U slučaju prekida radnog odnosa iz naprijed navedenih razloga korisnik sredstava je obavezan u što kraćem roku, zaposliti drugu osobu sa evidencije nezaposlenih, za preostali period sufinansiranja.

Obradu zahtjeva po ovom Programu vrši Stručni tim, i isti sačinjava prijedlog liste aplikanata koji ispunjavaju propisane uvjete i prijedlog liste aplikanata koji ne ispunjavaju uvjete propisane Javnim pozivom i Programom. Ministar donosi konačnu odluku o dodjeli sredstava po Javnom pozivu.


Sa korisnicima sredstava za sufinansiranje održavanja postojeće zaposlenosti ugovorom se uređuju međusobna prava i obaveze Ministarstva i korisnika sredstava, obavezu korisnika sredstava da održi registrovanu djelatnost najmanje 6 mjeseci, obavezu isplate naknada i pripadajućih poreza i doprinosa za radnike koji su u zadruge zaposleni prije objave Javnog poziva, obavezu pravdanja pomenutih troškova i dr.

Svaki korisnik odobrenih sredstava, obavezan je dostavljati mjesečne izvještaje o utrošku odobrenih sredstava, a po potrebi i dodatni izvještaj na zahtjev Ministarstva. Izvještaji o utrošku odobrenih sredstava se dostavljaju sa finansijskog aspekta zajedno sa kompletnom dokumentacijom do 15-tog dana tekućeg mjeseca za prethodni mjesec, što će se detaljnije propisati odredbama pojedinačno sklopljenim ugovorima sa korisnikom sredstava.

Zadruge su dužne sredstva odobrena od ovog Ministarstva utrošiti u skladu sa ugovorenim obavezama.

Sve zainteresirane zadruge prilikom apliciranja na Javni poziv dužne su u roku predviđenom u Javnom pozivu, dostaviti u **originalu ili ovjereoju fotokopiji** slijedeću dokumentaciju:

- a. Adekvatno popunjen i ovjeren aplikacioni formular za sufinansiranje održavanja postojeće zaposlenosti;
- b. Rješenje o registraciji zadruge u Kantonu Sarajevo;
- c. Zadrugarska pravila;
- d. Dokaz o zadrugarskom statusu (spisak zadrugara registrovanih u knjigu zadrugara ovjeren od strane nadležnog organa);
- e. Uvjerenje o pripadnosti boračkoj populaciji za zadrugare, kao i za članove njihovih užih porodica ukoliko su sastavni dio projekta dokumentaciju kojom dokazuju da se radi o članovima uže porodice (rodni list, vjenčani list i sl.);



- f. Ugovor ili potvrdu od banke o otvaranju računa sa navedenim transakcijskim/tekućim računom;
- g. Uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih sa datum zasnivanja radnog odnosa za svakog zaposlenog (Porezna uprava FBiH);
- h. Uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (Uprava za indirektno oporezivanje BiH), a ukoliko nije PDV obveznik zadruga može dostaviti izjavu ovjerenu od strane nadležnog općinskog organa ili notara;
- i. Specifikacije plaća ovjerene u Poreznoj upravi Federacije BiH za zadnja 3 mjeseca kao dokaz broja zaposlenih do dana objave Javnog poziva;
- j. Izjava odgovornog lica za sve članove zadruge, da nisu istovremeno članovi neke druge boračke zadruge, ovjerena od strane nadležnog općinskog organa ili notara;
- k. Izjava da nisu ostvarili novčanu pozajmicu za otvaranje radnih mjesta putem ovog Ministarstva, u skladu sa Zakonom o dopunskim pravima boraca/branitelja BiH i po Uredbi o finansiranju programa za otvaranje radnih mjesta za branioce, ratne vojne invalide, porodice šehida i porodice poginulih, umrlih i nestalih branioaca („Službene novine Kantona Sarajevo“, br. 31/06, 20/09 i 16/14);
- l. Izjava poslodavca o visini sredstava koja su mu dodjeljena kao pomoć od strane državnih organa;
- m. Izjava aplikanta da je saglasan da se rezultati javnog poziva objave javno i
- n. druga dokumentacija na zahtjev Stručnog tima.

Potvrdu o izvršenoj zadružnoj reviziji koju izdaje Federalni zadružni savez (ne starija od 2 godine) osim za novoformirane zadruge, po službenoj dužnosti obezbijedit će ovo Ministarstvo.

Za izvršenje ugovora aplikanti su obavezni obezbijediti bezuslovnu bankovnu garanciju na odobreni iznos sredstava ili bjanko mjenicu u zavisnosti od visine odobrenih sredstava što će biti regulisano u samom Ugovoru.

2. Mjera sufinansiranja troškova zadružnih revizija

Odredbama člana 74. Općeg zakona o zadrugama BiH definisano je: "Zadružna revizija obavezna je za sve zadruge i može biti redovna i vanredna. Redovna zadružna revizija obavlja se svake druge godine, a vanredna – po odluci organa zadruge, odnosno na zahtjev zadružnog saveza, nadležnih državnih organa, određenog broja zadrugara utvrđenog zadružnim pravilima ili povjerilaca zadruge. Ako se zadruga ne podvrgne zadružnoj reviziji, zadružni savez koji provodi reviziju, može da podnese zahtjev o prestanku rada te zadruge".

Članom 75. naprijed pomenutog zakona, uređeno je da troškove redovne zadružne revizije snose zadruge. Obzirom na okolnosti koje su nametnute pandemijom koronavirusa činjenica je da će neminovno doći do otežanog rada boračkih zadruga u Kantonu Sarajevo, čime će biti umanjeni i prihodi zadruga kao i otežano plaćanja svih tekućih obaveza zadruga.

Shodno odredbama čl. 68. i 69. navedenog Zakona zadružni savezi su samostalne interesne i stručne poslovne organizacije, koje se osnivaju radi unapređenja djelatnosti zadruga i zaštite njihovih zajedničkih interesa i isti osiguravaju obavljanje zadružne revizije. Savez zadruga u Federaciji Bosne i Hercegovine, kao organizacija u čijoj je nadležnosti obavljanje zadružne revizije je dostavio podatke



prema kojima je potrebno da se ukupno 19 boračkih zadruga podvrgne združnoj reviziji do kraja 2023. godine, kao i da cijena provođenja jedne združne revizije iznosi 900.00 KM.

Uzimajući u obzir prethodno navedeno tj. činjenicu da je obavljanje redovne revizije zakonska obaveza, kao i činjenicu da će boračke zadruge zbog svih otežavajućih okolnosti poslovanja doći u situaciju da ne mogu obezbijediti sredstva za snošenje troškova zakonske revizije, realizacijom Mjere sufinansiranja troškova združnih revizija pruža se podrška boračkim zadrugama da ispune zakonsku obavezu obavljanja redovne revizije. Mjera će se realizovati na način da će Ministarstvo za boračka pitanja Savezu zadruga u Federaciji Bosne i Hercegovine, kao organizaciji u čijoj je nadležnosti obavljanje združne revizije, na ime sufinansiranja troškova provedene redovne revizije boračkih zadruga za 2023. godinu doznačiti sredstva u iznosu od 15.000.00 KM.

Ugovorom se uređuju međusobna prava i obaveze Ministarstva i Saveza zadruga u Federaciji Bosne i Hercegovine. Obavezu Saveza da obavi redovnu reviziju boračkih zadruga u 2023. godini i Ministarstvu dostave dokaze o obavljenoj reviziji. Obaveza Ministarstva da Savezu zadruga po dostavljanju dokaza o obavljenoj reviziji, doznači sredstva na ime troškova obavljene revizije boračkih zadruga.

3. Mjera sufinansiranja izrade pojedinačnih razvojnih projekata za zainteresovane boračke zadruge u Kantonu Sarajevo

Ministarstvo za boračka pitanja Kantona Sarajevo je od 2017. godine u kontinuitetu svake godine realizovalo Programe mjera za poticaj zapošljavanja pripadnika braniteljske populacije. U periodu od 2017. godine na području Kantona Sarajevo boračke zadruge dostigle su jedan zavidan nivo organizovanosti u svom radu. U pravcu daljnjeg unapređenja poslovanja, od strane 11 boračkih zadruga registrovanih na Kantonu Sarajevo, dana 20.02.2021. godine osnovano je Udruženje boračkih zadruga sarajevske regije (u daljnjem tekstu: Udruženje). Osnovna misija Udruženja je povezivanje boračkih zadruga i ostalih zadruga koje su registrovane na području Kantona Sarajevo, radi unaprjeđenja i ostvarivanja njihovih zajedničkih ciljeva.


Prilikom definisanja projekata za 2023. godinu, Udruženje je došlo do zaključka, da u ovom trenutku najveći broj zadruga radi stihijski, bez dubljih analiza komparativnih prednosti i systemske ocjene svoje poslovne orijentacije, što po pravilu ima za posljedicu nisku profitabilnost njihovog trenutnog biznisa. U takvim okolnostima ocijenjeno je, da treba snimiti stanje njihovog trenutnog biznisa, potom izraditi SWOT analizu, a nakon toga izraditi konkretan biznis plan za svaku zainteresovanu zadrugu.

Predmetni Projekat bi se realizovao u periodu, 01.06. - 01.11.2023. godine na lokalitetu Kantona Sarajevo i obuhvatio bi najmanje 9 boračkih zadruga. Realizacijom ovog projekta svaka zainteresovana zadruga bi imala konkretan biznis plan, čijom primjenom u poslovanju bi postigla svoj ekonomsku održivost.

Faze realizacija projekta su:

1. Prvi dio - analiza poslovnog stanja svake zainteresovane boračke zadruge u Kantonu Sarajevo;
2. Drugi dio - izrada SWOT analize, kojom bi se izmjerili unutarnje i vanjske snage i slabosti svake zainteresovane zadruge;
3. Treći dio - izrada konkretnih biznis planova za svaku zainteresovanu boračku zadrugu u Kantonu Sarajevo, kod koje je provedena analiza poslovnog stanja.

Finansijsku konstrukciju za realizaciju svojih biznis planova svaka zadruga bi pojedinačno obezbjeđivala putem aplikacija svojih biznis planova po javnim pozivima.



Uzimajući u obzir prethodno navedeno tj. činjenicu da bi izrada konkretnih biznis planova za svaku zainteresovanu boračku zadrugu omogućilo poslovanje zadruga na višem nivou te na taj način postizanje ekonomske održivosti istih. Ministarstvo je stava da treba podržati izradu razvojnih projekata Udruženja boračkih zadruga Sarajevske regije u iznosu do 5.000,00 KM.

Ugovorom između Ministarstva za boračka pitanja Kantona Sarajevo i Udruženja definisati će se obaveze strana potpisnica Ugovora. Udruženje je dužno da do kraja kalendarske godine dostavi dokaze o namjenskom utrošku odobrenih sredstava.

b) Posebne mjere:

Ukoliko se steknu uvjeti za realizaciju Posebnih mjera Programa, Ministarstvo će pristupiti poduzimanju aktivnosti na realizaciji ovih mjera. Svi zainteresirani subjekti za realizaciju posebnih mjera moći će aplicirati sa svojim projektima nakon objave obavještenja, a njihovo odobravanje zavisi od raspoloživih budžetskih sredstava za ove namjene.

- 1. Mjera organiziranja savjetovanja, seminara, radionica i pružanje neposredne pravne i druge stručne pomoći, organiziranja razmjene iskustava, dobre prakse i inovativnih pristupa za unapređenja uvjeta zapošljavanja boračke populacije, a koja ima za cilj podsticanja nezaposlenih iz reda braniteljske populacije da prepoznaju šansu koju pruža zapošljavanje putem zadrugarstva;**
- 2. Mjera organizovanja sajмова za podršku prezentaciji proizvoda boračkih zadruga, te davanja podsticaja za sudjelovanje boračkih zadruga sa područja Kantona Sarajevo na sajmovima koji se organizuju unutar i van Bosne i Hercegovine;**
- 3. Medijska prezentacija mjera iz Programa;**
- 4. Mjera podizanja svijesti šire javnosti o radnim sposobnostima lica iz ciljne grupe, jačanje njihovih kompetencija i poduzetničkog potencijala kroz zadruge kao i razine svijesti poslodavaca o prednostima saradnje sa pripadnicima braniteljske populacije i članova njihovih porodica s ciljem postizanja njihovog ravnopravnog sudjelovanja na tržištu;**
- 5. Mjera organizacije prigodnih prezentacija proizvoda postojećih boračkih zadruga i boračkih firmi u okviru programa obilježavanja značajnih datuma, događaja i ličnosti**

4. PRAĆENJE I REALIZACIJA PROGRAMA I IZVJEŠTAVANJE

Realizacija programa mjera je u nadležnosti Ministarstva za boračka pitanja. Monitoring i evaluacija pojedinačnih podsticajnih mjera navedenih u ovom programu, vršit će se u skladu sa rješenjem Ministarstva.

Ministar za boračka pitanja nadležan je da:

- 1. Utvrđuje Konačne liste aplikanata Mjere 1. ovog Programa i donosi odluke o realizaciji Mjere 2., Mjere 3. i posebnih programskih mjera;**
- 2. Odobrava uključivanje aplikanata, za realizaciju ove Mjere koji su sljedeći na Listi koji će realizirati program - ukoliko prethodni sa Liste odustane,**



3. Za izmjenu i dopunu ugovora o finansiranju/sufinansiranju ukoliko dođe do smanjenja broja radnika usljed opravdanih razloga, odnosno davanje saglasnosti za potpisivanje anexa ugovora o finansiranju/sufinansiranju.

O realizaciji Programa Ministarstvo će nakon njegove realizacije izvjestiti Vladu Kantona Sarajevo.

5. NAČIN PROVEDBE PROGRAMA I NJEGOVO FINANSIRANJE

Ministarstvo će prilikom razmatranja zaprimljenih zahtjeva po javnim pozivima voditi računa o načelima dobre vjere, objektivnosti, nepristrasnosti.

Program se donosi za 2023. godinu a realizacija istog će teći u 2023. godini, pri čemu će realizacija zavisiti od odobrenih finansijskih sredstava na posebno planiranoj budžetskoj stavci za 2023. godinu.

Za realizaciju ovog Programa mjera planirano je ukupno 200.000.00 KM, a za realizaciju svake pojedinačne podsticajne mjere utvrđuje se sljedeći okvirni iznos i to:

1. Osnovna mjera 1. – 174.380.00 KM;
2. Osnovna mjera 2. – 15.000.00 KM;
3. Osnovna mjera 3. - 5.000.00 KM;
4. Posebne mjere – 5.620.00 KM.

Posebne mjere ovog Programa bit će realizovane ako se stvore naprijed navedeni uvjeti.

U slučaju da se po raspisanom Javnom pozivu za realizaciju Mjere 1. ovog Programa, javi veći broj aplikacija odnosno da zahtjevi aplikacija za finansijskim sredstvima budu izvan okvira sredstava koja su trenutno obezbijedena u Budžetu Kantona Sarajevo, razdjel Ministarstvo za boračka pitanja na odgovarajućoj budžetskoj poziciji, ovo Ministarstvo će pokušati obezbijediti dodatna budžetska sredstva unutrašnjom preraspodjelom sa drugih budžetskih pozicija.

Ministar može donijeti odluku da izvrši preraspodjelu planiranih sredstava u okvirima realizacije ovog Programa mjera i iz drugih Programa zapošljavanja, ukoliko za neku od predloženih mjera vlada veći interes pripadnika braniteljske populacije (i članova njihovih porodica).

6. PRAĆENJE, NADZOR I IZVJEŠTAVANJE

Praćenje i nadziranje provedbe ovog Programa vršiće Sektor za ekonomske poslove unutar Ministarstva i Stručni tim koji će imenovati Ministar za boračka pitanja.

O realizaciji Programa Ministarstvo će nakon njegove realizacije izvjestiti Vladu Kantona Sarajevo.

